



Hortulus Biblico-Moralis Et Asceticus


Pappus von Tratzberg, Franz

Ulm, 1725

Doctrina 1. Desumpta ex cap. 16. 17. & 18. lib. Judicum, in quibus
describitur jactura fortitudinis Samsonicæ ex septem crinibus abscissis
orta & secuta mors. Idolum Michæ ablatum à Danitis. ...

[urn:nbn:de:hbz:466:1-61252](#)

ip̄is necessaria deesse patiatur. Quare si verum Dei servum & Nazar̄um agis, noli querere : quid manducabimus ? aut quid bibemus ? aut quō operiemur &c. ? scit enim Pater & Herus tuus cœlestis, quō indiges, & sciens nunquam suō tibi deerit auxiliō.



FASCICULUS XXXIV.

Doctrinarum Moralium & Asceticarum.

Doctrina I.

Desumpta ex cap. 16. 17. & 18. lib. Judicum, in quibus describitur jactura fortitudinis Samsonica ex septem crinibus abscissis orta & secuta mors. Idolum Michæ ablatum à Danitis. Expugnatio Urbis Lais.

Considera I. **L**ibidinem carnalem non tantum spiritui (ut præceden- N.231.
tia docere) sed ipsi quoque corpori & carni esse

summè nocivam. Testatur enim S. Scriptura c. 16. Samsonem stupendæ fortitudinis hominem, dum cubaret in sinu Da-
lilæ, quam perditæ amaverat, adeò suî defecisse viribûs, ut ad mortem
usque lassatus esse videretur. Et hinc S. Ambros. lib. 6. Epist. 47. ad
Sabin. Voluptatem serpenti comparans cit: *venenum in dentibus habet,*
quibus unusquisque sese eviscerat luxuriosus. S. Cyrillus his deliciis addictos
viperis assimilat, hunc ingeniosum afferens apogum. Furibundæ
Viperæ ad coitum properanti castus elephas obviam factus quæsivit ex
ea dicens: quō sic effrenatō passu properas? cui illa: anhelo ad ve-
nerez suavitatis gaudium. Hoc auditō elephas ejus lethiferæ fallaciæ
compassus dixit. scio certè, quod furibunda luxuria oculis careat, non
valens videre, quō ruat, nempe ad occasum amarissimæ vitæ tendis:
quid enim coitus, nisi deliciosa pernicies, mors latens venenositas
blandiens? & hērclē aptiori similitudine, quam hâc ad propositum
alludere non potuisse ingeniosus iste Doctor; Voluptatem enim,
quam viperæ in concipiendo fœtu accipit, in pariendo occisa
luit, dum ruptis visceribûs proles oritur, & mater moritur. Ecclesia
catholica sollicita filiorum suorum parens ad coercendam fatalem li-

Ss 2

bidi-

bidinem, quæ maximè Bacchanalium tempore ardet, dum Baccho & Cereri immoderatius litari à Christianis solet, cineres capitibus jubet imponi, sub præscripta hac formula: *Memento homo, quia pulvis es, & in pulverem reverteris.* Ut sic doceat: carnales homines præ cunctis aliis velocius ad mortem & cineres, in quos resolvendi sunt, prope rare. Quare etiam de quibusdam libidinosis Hæreticis 2. Epist. c. 2. v. 1. afferit S. Petrus: *superinducentes, sibi celerem perditionem &c.* Diabolus namque instar Philistinorum se gerit erga illos, utens luxuriā tanquam Dalilà, quæ corporis vires ceu capillos Samsonis abscindat, & in malo penitus excætatos peccatorum funibus trahat matutinè ad carcerem sepulchri, animæ æternis poenit illusurus. Quare ò Christiane Lector! si longioris vitæ amore teneris, summò odiò prosequere brevissimam illam & fœdissimam carnis voluptatem.

N. 232. Considera 2. Omnes Christianos iisdem verbis, quibus cap. 19. v. 9. & 10. Quinque exploratores in terram *Lais* præmissi, & inde reduces socios suos excitârunt, ab Angelis custodibus per Sanctas inspirationes excitati. *Surgite, inquiunt illi, & ascendemus ad eos: vidimus enim terram valde opulentam & uberem nolite negligere, nolite cessare. eamus & possideamus eam.* Intraibimus ad securos in Regionem latissimam, tradetque Dominus locum, in quo nullius rei erit penuria &c. Ipse gentium Apostolus exploratoris instar admirabilè raptu in hunc locum missus, retulit 1. Corinth. 3. *oculus non vidit, nec auris audivit, nec in cor hominis ascendit, que preparavit Deus iis, qui diligit illum.* Mater Virginea, de qua cantic. 4. dicitur: *emissiones tuae Paradisus &c.* & quæ juncta magni nominis Doctores revelatâ facie vidit Deum, non parum se credidit explicandæ satis beatitudini, istis tantum usa verbis Lucæ 1. *esurientes implevit bonis; quæ verba expendens Hugo Card. ait: non dicitur, quibus bonis, ut intelligatur omnibus bonis gratia & gloria & spiritualis intelligentia &c.* fuere nonnulli, qui cœlestem gloriam adumbraturi, pingebant corpus, cœlum referens radiantibus stellis, Sole, Lunâ & innumeris ornamentis instructum, annexò lem̄ate: *pulchriora latent.* Latet sanè illa civitas, quam apocalypticus Joannes vidit in quadro positam, cuius structura muri ex lapide Jaspite, ipsa verò aurum mundum &c. latet tanta Voluptas, quæ omnem exsuperat intellectum hominis, sermonem omnem infinitè transcendit: adeò, ut stupore attonitus exclamat Vates regius: *ò quam magna est multitudo dulcedinis tuae, quam abscondisti timentibus te, & hæc dulcedo excludit omnem*

mnenm rerum vicissitudinem, omnes inimicorum insidias, omnem
mali timorem. latet satietas sine ullo fastidio in beatis reperienda,
prout sanctus testatur Greg. M. lib. 18. moral. c. 28. scribens: desi-
derant sine labore, quia desiderium satietas comitatur: & satiantur sine fa-
stidio quia ipsa facetas ex desiderio semper accenditur. Regina Saba ad
Salomonis regiam profecta, vedit rara, audivit stupenda, qui-
bus tamen omnibus non adeo fuit inescata, ut Aulam illam in per-
petuam sibi eligeret sedem: sed quasi ad naufragium satura deliciis
Salomonis, domum cum servis suis rediit. At in cœlo invenire
est eam rerum mirabilem varietatem, quæ dum satiare nequit, suas
incolas sibi quasi agglutinat, ut nec velnit, nec possint aliò migrare.
Latet stabilis felicitas, & hinc S. Joannes Apoc. 7. vedit beatos stantes
ante Thronum Dei & in conspectu agni. S. Rombertus Bremensis Episcopus
cum insignem Victoriam contra Nortmannos precibus suis velut alter
Moyses impetrâisset, id effecit, ut deinceps locus ille, in quo pre-
ces fuderat, semper vernaret, cespite virenti ridens. Ita Sur. 4. Febr.
in vita talis terra Cœlum est, semper virens, stabilique felicitate beata.
Prout Sancta Virgo & Martyr Dorothea objecit Tyranno dicens: Spon-
sus meus me invitat: imus enim per hasce pœnas breves & exiles ad Paradisum de-
liciarum, ubi sunt poma mira pulchritudinis, rose, lilia & flores innumeri, qui
nunquam marcescunt, idque comprobavit miraculo, mittens derisorum suo
Theophilo Scribae per Angelum flores & poma speciosissima, recen-
tissima mediâ ferè hyeme. Latens demum ea omnia, quæ pulcher-
rimis verbis S. Anselmus in suo prosologio c. 25. detegit scribens:
ibi est, ibi est, quidquid amatis, quidquid desideratis. Si delectat pulchritu-
do? fulgebant Justi sicut sol. Si velocitas aut fortitudo, aut libera-
tas corporis, cui nihil obsistere possit? erunt similes Angelis Dic: quia
seminatur corpus animale, & surget corpus spirituale, potestate uti-
que non naturæ. Si longa & salubris vita? ibi sana est æternitas & æterna
sanitas: quia Justi in perpetuum vivent, & salus Justorum à Domino. Si
facetas? satiabuntur, cum apparuerit gloria Dei. Si melodia? ibi An-
gelorum Chori concinunt sine fine Deo. Si quælibet munda non im-
munda Voluptas? torrente Voluptatis potabit eos Deus. Si sapientia?
ipsa Dei sapientia ostendit eis se ipsam. Si amicitia? diligent Deum plus
quam se ipsos, & invicem tanquam se ipsos, & Deus illos plusquam illi se
ipsos: quia illi illum, & invicem per illum & ille se, & illos per se ipsum.
Hæc & pluraper longū Apsel. Ego verò à Christ. Lector coronidis loco

S 3

exclam.

exclamo: eamus & possideamus terram hanc, auferamus cum *Danis* sculptilia, *Idola*, & *constatilia* pectoris nostri, in ordinatum videlicet ad bona terrena amorem. Non acquiescamus carni nostræ, quæ v. 24. citati capit. cum *Micha* post nos vociferatur: *Deos meos, quos mihi feci, tulistis.* Sed cum sexcentis illis fortissimis *Judaorum* viris currentes per viam Mandatorum Dei ascendamus coelestem *Lais*, ibi ut refert S. Scriptura v. 27. capituli cit. venturi ad *Populum* quiescentem & securum.

Doctrina 2.

Desumpta ex cap. 19. lib. Iudicum, in quo describitur Iter Levite cum uxore sua, Gabaonitarum in eos duritia & nefanda libido exercita in uxorem Levite.

N. 233. Considera: **Q**uod Dæmon homines, è domo peccati per veram pœnitentiam ad Deum profecturos, iisdem verbis alloquatur, quibus utitur S. Scriptura capite v. 6. *Quoso te, ut hodie hic maneas, & v. 9. mane apud me etiam hodiè, & duc letum diemi, & cras proficisceris,* de mercatore quodam legitur: quod Tabernæ suæ majusculis litteris inscribi jussit: *Hodiè in loco hoc nil credito venditur sed cras.* Factum inde, nunquam tempus adventasse, quò emptores aliquid credito acceperint, eandem Scripturam singulis diebus videre jussi. Pari pröh dolor! astutiā miseris peccatoribus illudit Diabolus hodiernum tantummodo diem sibi impendi petit, crastinum pœnitentia dari concedens. Verùm cùm eadem verba quotidiè repeatat, oritur inde: nunquam illucescere illum pœnitentia locandum diem, ut quò eos diutius remoretur, eo majori jure eos possideat; crescent enim catenæ, de quibus afferit Ecclesia: delictorum catena constringitur. Quod ipsum pulchrō similī declarat S. Bonav. tom. 6. in Diæt. salut. tit. 1, c. 2. inquiens: *Peccatum est sicut rete, & sicut Virga invictata: nam sicut pisces in retibus se agitando amplius involvit, & avis plus ambulans per Virgam invictatam fortius se capit, sic peccator magis elongatur à Deo, & stridius illaqueatur à Diabolo, quia de tali dicitur: tenebitur planta ejus laqueis.* Joannes de Villa nova refert: exstisit quendam sceneratorem, crebro à confessario suo admonitum, ageret Pœnitentiam injustè retenta suis redditurus Dominis. Ad quæ verba identidem respondere auditus sit: *bene, faciam adhuc.* Sed his nondum satur Sacerdos, dum monitum dupli-